



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, 1599

VD16 B 1607

VIII. De libro Baruch.

[urn:nbn:de:hbz:466:1-53828](https://nbn-resolving.de/urn/resolver.pl?urn=urn:nbn:de:hbz:466:1-53828)

CAPVT. VIII.

De libro Baruch.

DE LIBRO Baruch controuersia fuit, & est, tum quia non inuenitur in Hebræis codicibus, tum etiam quia nec Concilia antiqua, neque Pontifices, neque Patres, quos supra citauimus, qui catalogum librorum sacrorum texunt, huius Prophetæ, disertis verbis meminerunt. Itaque propterea ex Catholicis Ioannes Driedo hunc librum negat esse canonicum. lib. I. de Scripturis & dogmatibus Ecclesiasticis, cap. vlt. ad argumentum ultimum; ex haereticis Ioannes Caluinus lib. 3. instit. cap. 20. §. 8. & Kemnitius in examine quartæ sessionis Cœciliij Tridentini.

Ceterum nobis contrarium persuadet Ecclesiæ Catholice auctoritas, quæ in Concil. Trident. sess. 4. Prophetam Baruch inter sacros libros numerat: & in profecto Pentecostes palam lectionem ex libro Baruch, cum lectionibus aliorum sacrorum librorum legi iubet.

Nec desunt etiam veterum Patrum testimonia, quæ aduersariis opponamus. CYPRIANVS lib. 2. contra Iudeos, cap. 5. Item apud Baruch, inquit, *Hic est Deus noster*, Eccl. & serm. de orat. Dominica citat epistolam Hieremiæ, quæ est ultimum caput Baruch: *Per Hieremias*, inquit, *Spiritus sanctus suggestus*, Eccl. docet dicens, in sensu autem tibi debet adorari Deus. S. HILARIVS præfat. comment. in Psalm. nominatim ponit in canone epistolam Hieremiæ. B. CYRILLVS lib. 10. in Julianum, nominatim citat Baruch. CLEMENS ALEXANDRINVS lib. 2. pædagogi, cap. 3. *Pulchre*, inquit, *dicit alscubi diuina Scriptura*, Eccl. citans caput tertium Baruch. B. AMBROSIUS lib. 1. de fide, cap. 2. citans illa verba Baruch tertio: *Hic est Deus noster*, & non æstimabitur aliis ad eum: *Vnum Deum*, inquit, *dicit Scriptura*, Eccl. Et infra: *Quid discutimus eum*, de quo tantus Propheta dicit, *Spiritus sanctus dicit*, quod ad eum non posset aliis æstimari? THEODORETUS totum hunc librum exponit, & in cap. 2. scribens, aperte vocat diuinam Scripturam. EUSEBIUS lib. 6. demonstrat. Euang. cap. 19. citat cap. 3. Baruch. & postea, *Nihil operatur*, inquit, *addere diuinis vocibus*.

Denique veteres passim allegant hunc librum sub nomine Hieremiæ, propterea quod Baruch notarius, & discipulus fuerit Hieremiæ, ut patet ex lib. Hieremiæ cap. 36. quæ causa fuit cur Concilia antiqua, & Patres non posuerint Baruch nominatum in canone, quia nimis hunc librum partem esse iudicabant Hieremiæ vaticiniorum. Clemens Alexandrinus lib. 1. paedagogi, cap. 10. citat nomine Hieremiæ illud Baruch 3. *Audi Israël mandata vita.* & illud Baruch 4. *Beati sumus Israël, quia qua Deo placent manifesta sunt nobis.* B. Ambrosius lib. 1. de pœnitentia, cap. 8. recitat nomine Hieremiæ quædam ex cap. 3. & quædam ex cap. 5. huius libri: & lib. 3. hexam. cap. 14. ponit alia ex cap. 4. S. Basilus lib. 4. in Eu-nomium, non procul à fine, & S. Ioannes Chrysostomus in oratione, quod Christus sit Deus, contra gentes, adducunt locum illum Baruch 3. hic est Deus noster, nomine Hieremiæ. S. Augustinus lib. 18. de ciuit. Dei, cap. 33. eundem locum dicit ab aliquibus citari nomine Baruch, sed à pluribus nomine Hieremiæ. Denique eundem locum nomine Hieremiæ citant Sixtus Papa I. in epist. ad omnes fideles. Felix IV. in epist. ad Petrum Antiochenum, & Pelagius I. in epist. ad Vigilium.

Quæ cùm ita sint, non poterit certè Baruch repudiari, nisi Hieremias etiam repudietur. Ut enim nulla fuit unquam apud veteres controversia de libro Hieremiæ, ita quoq; censendum est de libro Baruch, nullam apud eos controversiam existisse.

CAPVT IX.

De quibusdam capitibus Danielis.

VDAE I teste B. Hieronymo præfatione in Daniel, nihili faciunt hymnum trium puerorum, qui habetur cap. 3. Danielis, necnon Susannæ historiam, quæ habetur cap. 13. & historiam draconis quem Daniel interfecit, quæ habetur cap. 14. Pari ratione Porphyrius lib. 12. ex iis quindecim quos scripsit aduersus Christianos, eodem Hieronymo teste præfatione comment. in Daniel; necnon hæretici huius temporis, ut Kemnitius in examine 4. sess. Concil. Trident. & præcipue Anabaptistæ in eodem versantur errore.

Nec